

## Naziv istraživanja

Mjesečni izvještaj o plaćama zaposlenih (RAD-1)

Naziv sektora, naziv odsjeka

Sektor za statistiku stanovništva i društvene statistike,

Odsjek za statistiku tržišta rada

Federalni zavod za statistiku



Bosna i Hercegovina  
Federacija Bosne i Hercegovine

**Federalni zavod  
za statistiku**

- [1. Kontakt](#)
- [2. Ažuriranje metapodataka](#)
- [3. Statistički prikaz](#)
- [4. Mjerna jedinica](#)
- [5. Referentni period](#)
- [6. Ovlasti institucija](#)
- [7. Povjerljivost](#)
- [8. Politika objavljivanja](#)
- [9. Učestalost diseminacije](#)
- [10. Dostupnost i jasnoća](#)
- [11. Upravljanje kvalitetom](#)
- [12. Relevantnost](#)
- [13. Tačnost i pouzdanost](#)
- [14. Pravodobnost i poštovanje rokova objavljivanja](#)
- [15. Usklađenost i uporedivost](#)
- [16. Trošak i opterećenje](#)
- [17. Revizija podataka](#)
- [18. Statistička obrada](#)
- [19. Komentar](#)

### S.01 Kontakt

S.01.1	Organizacija za kontakt	FEDERALNI ZAVOD ZA STATISTIKU
S.01.2	Jedinica u organizaciji za kontakt	Sektor za statistiku stanovništva i društvene statistike, Odsjek za statistiku tržišta rada
S.01.3	Ime osobe za kontakt	1) Samka Avdić 2) Mujesira Salihagić 3) Mugdim Hadžalić
S.01.4	Funkcija osobe za kontakt	1) Šef odsjeka 2) Stručni savjetnik za statistiku plaća i troškova rada 3) Stručni savjetnik za organiziranje statističkih istraživanja
S.01.5	Poštanska adresa osobe za kontakt	Zelenih beretki 26, 71 000 Sarajevo
S.01.6	Adresa elektronske pošte osobe za kontakt	1) samka.avdic@fzs.ba 2) mujesira.salihagic@fzs.ba 3) mugdim.hadzalic@fzs.ba
S.01.7	Broj telefona osobe za kontakt	1) +387 33 407 027 2) +387 33 407 027 3) +387 33 407 033

S.01.8	Broj telefaksa osobe za kontakt	+ 387 33 226 151
--------	---------------------------------	------------------

## S.02 Ažuriranje metapodataka

S.02.1	Posljednja certifikacija metapodataka	26.03.2026.
S.02.2	Posljednje objavljivanje metapodataka	26.03.2026.
S.02.3	Posljednje ažuriranje metapodataka	26.03.2026.

## S.03 Statistički prikaz

### S.03.1 Opis podataka

Mjesečnim statističkim istraživanjem o plaćama zaposlenih Rad-1 prikupljaju se podaci o neto i bruto plaćama zaposlenih od pravnih osoba koje posluju na teritoriji Federacije BiH i zapošljavaju 10 i više zaposlenih.

Mjesečnim izvještajem o plaćama zaposlenih (Rad-1) prikupljaju se sljedeći podaci: Ukupan iznos isplaćene bruto i neto plaće za mjesec izvještavanja, broj zaposlenih na koje se odnose isplate plaća, ukupno plaćeni sati rada, broj efektivnih sati rada, ostale naknade zaposlenih u bruto iznosu za mjesec izvještavanja (topli obrok, prevoz, regres, ostale i nepomenute naknade), broj zaposlenih na koje se odnose isplate ostalih naknada zaposlenih, te broju zaposlenih i iskazane potrebe za zapošljavanjem.

Osnovni cilj Mjesečnog statističkog istraživanja o plaćama zaposlenih jeste dobivanje podataka o prosječnim mjesečnim isplaćenim neto i bruto plaćama zaposlenih u Federaciji BiH, kao i da se iskaže dinamika kretanja plaća izražena nominalnim i realnim indeksima.

### S.03.2 Sistem klasifikacija

Klasifikacija djelatnosti BiH, KD BiH 2010 (usklađena sa međunarodnom klasifikacijom NACE Rev.2).

### S.03.3 Obuhvat sektora

Ovo istraživanje obuhvaća sva područja klasifikacije djelatnosti KD BiH 2010 od A - Poljoprivreda, šumarstvo i ribolov do S - Ostale uslužne djelatnosti, osim područja djelatnosti T - Djelatnosti domaćinstava kao poslodavaca; djelatnosti domaćinstava koja proizvode različita dobra i obavljaju različite usluge za vlastite potrebe i područja djelatnosti U - Djelatnosti vanteritorijalnih organizacija i organa, koje nisu obuhvaćene istraživanjem o zaposlenima.

### S.03.4 Statistički pojmovi i definicije

Neto plaća obuhvaća isplaćenu plaću za obavljeni rad, kao i naknade plaća po osnovu radnog odnosa (neizvršeni a plaćeni sati) za: godišnji odmor, plaćeni dopust, državne praznike i neradne dane utvrđene zakonom, bolovanja koja idu na teret izvještajne jedinice, plaćeno odsustvo sa posla, zastoje u poslu bez krivnje zaposlenog. Isplaćena plaća za obavljeni rad obuhvaća osnovnu plaću, dodatke na radni staž, dodatke za rad u smjenama, dežurstva, noćni rad, prekovremeni rad, rad nedjeljom i praznikom, dodatke zbog loših uslova rada i ostala primanja proistekla iz rada.

Neto plaća ne obuhvaća ostala lična primanja kao što su: topli obrok, prevoz, regres, solidarna pomoć, jednokratna novčana pomoć i slično. Ne uključuju se ni primanja po ugovoru o povremenim i privremenim poslovima, naknade za autorska djela, otpremnine i jubilarne nagrade, ostale beneficije zaposlenih, te naknade za bolovanja koja ne idu na teret poslodavca.

Prosječna isplaćena neto-plaća u Federaciji BiH, koju objavljuje Federalni zavod za statistiku, ne obuhvaća akontaciju poreza na dohodak.

Prosječna mjesečna isplaćena neto i bruto plaća po zaposlenome izračunava se dijeljenjem ukupnih isplaćenih masa plaća brojem zaposlenih koji su učestvovali u isplatama plaća, a ne sa brojem zaposlenih koji se vodi u kadrovskoj evidenciji.

Bruto plaća obuhvaća neto plaću plus zakonom propisana obavezna izdvajanja iz bruto plaće (doprinosi iz bruto plaće i akontacija poreza na dohodak). Bruto plaća ne obuhvaća doprinose poslodavca, tj. doprinose na bruto plaću.

Nominalni indeksi neto i bruto plaća izračunavaju se iz apsolutnih iznosa prosječnih mjesečnih neto i bruto plaća za odgovarajući period.

Realni indeksi neto i bruto plaća izračunavaju se dijeljenjem nominalnih indeksa neto i bruto plaća sa indeksom potrošačkih cijena.

#### S.03.5 Statistička jedinica

Izveštajne jedinice u ovom istraživanju su poslovni subjekti-pravne osobe koje posluju na teritoriji Federacije BiH i zapošljavaju 10 i više zaposlenih. Ukoliko poslovni subjekat ima registrovane jedinice u sastavu podaci se prikupljaju prema pripadajućim jedinicama koje posluju na teritoriji FBiH ukoliko zapošljavaju 10 i više zaposlenih.

#### S.03.6 Statistička populacija

Izveštajne jedinice u ovom istraživanju su svi aktivni poslovni subjekti (pravne osobe) sa pripadajućim jedinicama u sastavu koje posluju na teritoriji Federacije BiH i zapošljavaju 10 i više zaposlenih. Broj zaposlenih u obrtu i srodnim djelatnostima nije uključen kroz ovo istraživanje.

#### S.03.7 Referentno područje

Federacija BiH, Kanton, Općina

#### S.03.8 Vremenski obuhvat

Istraživanje o plaćama zaposlenih RAD-1 se provodi dugi niz godina. Nakon početka primjene nove klasifikacije djelatnosti KD BiH 2010, urađen je preračun serije podataka od 2005. godine, tako da je serija podataka o plaćama uporediva od 2005. godine.

#### S.03.9 Bazni period

Prethodni mjesec, prethodna godina, isti mjesec prethodne godine.

### S.04 Mjerna jedinica

Podaci o plaćama su izraženi u konvertibilnim markama (KM).

### S.05 Referentni period

Referentni period za podatke o plaćama je kalendarski mjesec na koji se podaci odnose.

### S.06 Ovlasti institucija

#### S.06.1 Pravni akti i drugi sporazumi

Zakonski i pravni temelj za provođenje predmetnih aktivnosti je sadržan u Zakonu o statistici u Federaciji BiH ("Službene novine FBiH" br. 63/03 i 9/09), te u Planu provođenja statističkih istraživanja od interesa za Federaciju BiH i u Četvorogodišnjem Programu. Članom 17. Zakona o statistici je propisano da se statistička istraživanja provode u vremenu određenom četvorogodišnjem Programom i razrađenim godišnjim Planom rada za budžetsku godinu.

#### S.06.2 Dijeljenje podataka

- Agencija za statistiku BiH
- Na zahtjev i druge institucije uz obavezu potpisivanja memoranduma o povjerljivosti podataka

## S.07 Povjerljivost

### S.07.1 Politika povjerljivosti

Povjerljivost podataka i zaštita ličnih podataka regulisane su:

Zakonom o statistici U FBiH (Sl.novine FBiH, br.63/03 i 9/09). Statističku povjerljivost određuju članovi 36-42., Zakonom o slobodi pristupa informacijama u Federaciji Bosne i Hercegovine "Službene novine Federacije BiH", broj: 32/01

Pravilnikom o načinu i postupku davanja podataka koje proizvodi Federalni zavod za statistiku.

<https://fzs.ba/index.php/o-nama/pravni-propisi/>

### S.07.2 Postupanje s povjerljivim podacima

Svi prikupljeni podaci tretiraju se kao povjerljivi i koriste se isključivo u statističke svrhe. Podaci koji su prikupljeni, obrađeni i pohranjeni u svrhu izrade statističkih podataka smatraju se povjerljivim ako je putem tih podataka moguće neposredno ili posredno identificirati izvještajne jedinice čime se otkrivaju pojedinačni podaci. Izvještajna jedinica se neposredno identifikira putem naziva i adrese, odnosno putem identifikacionog broja koji joj je zvanično dodijeljen. Posredna identifikacija je utvrđivanje identiteta izvještajne jedinice putem dedukcije, uzimajući u obzir sve mjere koje se mogu koristiti da bi se identifikovala pomenuta izvještajna jedinica.

## S.08 Politika objavljivanja

### S.08.1 Kalendar objavljivanja

Kalendar objavljivanja je dostupan na web stranici Federalnog zavoda za statistiku krajem decembra tekuće godine za cijelu narednu godinu. U njemu korisnici mogu naći informacije o datumu objavljivanja podataka, broju statističkog izdanja, nazivu publikacije, vrsti statističkog izdanja i razdoblje na koje se odnosi.

### S.08.2 Pristup kalendaru objavljivanja

<https://fzs.ba/wp-content/uploads/2025/12/Kalendar-publikovanja-2026.pdf>

### S.08.3 Dostupnost korisnicima

Postojeći pravni okvir, definiran Zakonom o statistici u Federaciji Bosne i Hercegovine, određuje osnovne ciljeve i principe funkcioniranja zvanične statistike, kojima se Zavod ovlašćuje da proizvodi visokokvalitetnu zvaničnu statistiku i da je nepristrasno, nezavisno i blagovremeno učini dostupnom svim korisnicima istovremeno. Podaci dobijeni statističkim istraživanjima objavljuju se na web stranici Zavoda: u statističkim publikacijama (<http://fzs.ba/index.php/publikacije/>) i u bazi podataka (<http://www.px-web.fzs.gov.ba/>).

## S.09 Učestalost diseminacije

Podaci o plaćama se diseminiraju na mjesečnoj i godišnjoj osnovi u skladu sa kalendarom publikovanja.

## S.10 Dostupnost i jasnoća

### S.10.1 Saopćenja

Mjesečno Saopćenje "Prosječne mjesečne isplaćene neto i bruto plaće po područjima KD BiH 2010,"  
<http://fzs.ba/index.php/publikacije/saopcenjapriopcenja/trziste-rada-zaposlenost-nezaposlenost-i-place-2/>

Godišnje saopćenje "Zaposlenost, nezaposlenost i plaće u FBiH po kantonima i općinama,"  
<http://fzs.ba/index.php/publikacije/saopcenjapriopcenja/trziste-rada-zaposlenost-nezaposlenost-i-place-2/>

#### S.10.2 Publikacije

1) "Mjesečni statistički pregled Federacije BiH":

<http://fzs.ba/index.php/publikacije/>

2) Tematski bilten "Zaposlenost, nezaposlenost i plaće u Federaciji BiH ",

<http://fzs.ba/index.php/publikacije/godisnji-bilteni/trziste-rada-zaposlenost-nezaposlenost-i-place/>

3) "Federacija BiH u brojkama",

<http://fzs.ba/index.php/2016/09/07/federacija-bih-u-brojkama/>

4) "Kantoni u brojkama",

<http://fzs.ba/index.php/2016/09/29/kantoni-u-brojkama/>

5) "Statistički godišnjak/ljetopis Federacije BiH".

<http://fzs.ba/index.php/publikacije/statisticki-godisnjaciljetopisi/>

#### S.10.3 Mrežna baza podataka

Baza podataka o plaćama je dostupna na internet stranici Zavoda na PX-WEB serveru,

<https://fzs.ba/index.php/2019/02/12/baze-podataka-pregled-statistickih-baza-podataka/>

Prikazani su mjesečni podaci o prosječnim plaćama zaposlenih po područjima i oblastima KDBiH 2010, kao i godišnji podaci o plaćama po kantonima i područjima djelatnosti i po općinama ukupno.

##### S.10.3.1 AC1. Tabele s podacima – konsultacije

#### S.10.4 Pristup mikropodacima

Mikropodaci nisu dostupni korisnicima.

#### S.10.5 Ostalo

Podaci se diseminiraju i putem odgovora na pisane zahtjeve korisnika prema njihovoj specifikaciji.

##### S.10.5.1 AC 2. Metapodaci – konzultacije

#### S.10.6 Dokumentacija o metodologiji

Metodološki dokument Statističko istraživanje o plaćama zaposlenih:

<http://fzs.ba/index.php/klasifikacije-i-metodologije/english-metodologije/trziste-rada-zaposlenost-nezaposlenost-i-place/>

Važnije metodološke napomene za ovo istraživanje su takođe sastavni dio publikovanih saopćenja.

##### S.10.6.1 AC 3. Stopa potpunosti metapodataka

Meta podaci su dostupni na web stranici zavoda:

<https://fzs.ba/?s=meta+podaci>

#### S.10.7 Dokumentacija o kvaliteti

Izveštaj o kvalitetu za statistiku plaća je dostupan na web stranici zavoda:  
<https://fzs.ba/?s=izvje%C5%A1taj+o+kvalitetu>

## S.11 Upravljanje kvalitetom

### S.11.1. Osiguranje kvalitete

FZS slijedi preporuke o organizaciji i upravljanju kvalitetom date u Kodeksu prakse evropske statistike (CoP) i implementira smjernice date u Okviru za osiguranje kvaliteta evropskog statističkog sistema (QAF). Više, u vezi osiguranja kvaliteta, se nalazi u dokumentu - Implementacija Kodeksa prakse evropske statistike u Federalnom zavodu za statistiku - samoprocjena i buduće aktivnosti, link:

<https://fzs.ba/?s=kodeks+prakse>

### S.11.2. Procjena kvalitete

Završna faza statističke aktivnosti je ukupna evaluacija za koju se koriste informacije iz svih procesa, od dizajniranja instrumenata istraživanja i prikupljanja podataka do objavljivanja podataka i povratnih informacija od korisnika. Ove informacije koriste se za izradu izvještaja o kvalitetu koji sadrži opis svih procesa statističke aktivnosti i navodi prednosti i nedostatke vezane za kvalitet kao i indikatore kvaliteta.

## S.12 Relevantnost

### S.12.1 Potrebe korisnika

Ključni korisnici istraživanja o plaćama po glavnim grupama segmentacije su:

- javni sektor,
- poslovni subjekti,
- nauka, istraživanje i obrazovanje,
- opća javnost,
- mediji,
- strani korisnici (Međunarodna organizacija rada, Svjetska banka)
- interni korisnici.

### S.12.2 Zadovoljstvo korisnika

Rezultati posljednje Ankete o zadovoljstvu korisnika dostupni su na vweb-stranici Zavoda, na linku:  
<https://fzs.ba/index.php/o-nama/kvalitet-u-statistici/>

Korisničke potrebe za podacima o plaćama su prepoznatljive kroz evidenciju prispjelih zahtjeva, kao i kroz broj ukupnih posjeta na internet stranicu Zavoda.

### S.12.3 Potpunost

Budući da Statistika plaća nije uređena posebnom regulativom EU niti uredbom, ovaj pokazatelj se ne računa.

#### S.12.3.1 R1. Stopa potpunosti podataka (P)

Za statistiku plaća proizvode se podaci o plaćama u FBiH po područjima i oblastima klasifikacije djelatnosti KD BiH 2010 na mjesečnom nivou, plaće po kantonima i područjima djelatnosti na mjesečnom nivou i plaće po općinama ukupno na godišnjem nivou.

## S.13 Tačnost i pouzdanost

### S.13.1 Ukupna tačnost

Tačnost podataka provjerava se primjenom propisane metodologije, kontrolom grešaka mjerenja, kao i upoređivanjem podataka iz prošlog perioda i dodatnim analizama.

### S.13.2 Uzoračka pogreška i A1 indikatori uzoračke pogreške (U)

Statističko istraživanje o plaćama se ne zasniva na metodi uzorka, tako da se ne rade greške uzorkovanja.

#### S.13.2.1 A1. Indikatori uzoračke pogreške (P)

Nije primjenjivo.

S.13.3 Neuzoračka pogreška i A4  
Stopa neodgovora jedinice za P i A5  
Stopa neodgovora na određenu varijablu (U)

Stalnim unaprijeđenjem metodoloških procesa nastoje se smanjiti neuzoračke greške. U slučaju pojave greške mjerenja, u zavisnosti od vrste greške ona se ili koriguje od strane metodologa na osnovu ostalih podataka u upitniku i podataka iz prethodnog perioda ili se vrši kontaktiranje izvještajne jedinice, a potom i korekcija utvrđene greške za jedinicu posmatranja. Stopa neodgovora jedinice iznosi 10,3% za 2025 godinu. Ne raspolaže se informacijama koje omogućavaju izračunavanje stope neodgovora varijable.

#### S.13.3.1 Pogreška obuhvata

Okvir za obuhvat istraživanja RAD-1 je Statistički poslovni registar (SPR) aktivnih poslovnih subjekata - pravnih osoba na dan 31. 12. prethodne godine i podataka iz Jedininstvenog sistema registracije, kontrole i naplate doprinosa koji se preuzimaju iz Porezne uprave FBiH. U adresar su uključene sve aktivne pravne osobe iz Statističkog poslovnog registra koje imaju 10 i više zaposlenih po pripadajućim jedinicama koje takođe zapošljavaju 10 i više zaposlenih osoba, uz uslov poslovanja na teritoriji FBiH. Kako istraživanje nije bazirano na uzorku radi se mjesečna analiza i prilagođavanje obuhvata. Broj zaposlenih u obrtu i srodnim djelatnostima nije uključen kroz ovo istraživanje.

#### S.13.3.1.1 A2. Stopa nadobuhvata

Vrši se mjesečno ažuriranje obuhvata i adresara tako da, ukoliko se ustanovi postojanje prekomjernog obuhvata, isti se rješava.

#### S.13.3.1.2 A3. Udio zajedničkih jedinica

U ovom istraživanju se ne kombinuju podaci (ne koriste jedinice) iz dva ili više izvora. Riječ je isključivo o podacima iz jednog izvora (statističko istraživanje).

#### S.13.3.2 Pogreška mjerenja

Prije nego se pristupi unosu podataka kroz papirne obrasce, papirni obrasci se vizuelno pregledaju i ukoliko se uoče neke nepravilnosti u podacima, koje se ne mogu korigovati na osnovu ostalih podataka, osoba zadužena za ovu kontrolu uspostavlja telefonski kontakt sa izvještajnom jedinicom i tako sazna prave informacije na osnovu kojih koriguje podatke na upitniku. Također se obrasci primljeni putem emaila kroz elektronski excel obrazac vizuelno pregledaju i ispravljaju greške koje se uoče na samom obrascu, prije nego se spoje sa bazom podataka u accesu.

U toku samog unosa podataka u elektronsku bazu podataka (microsoft access - softver za unos i obradu podataka iz mjesečnog istraživanja o zaposlenima i plaćama), kao i spajanja elektronskog excel obrasca u bazu podataka podaci se drugi put kontrolišu. U program za unos podataka iz obrasca ugrađene su kontrole koje onemogućavaju da se u bazu unesu računski i logički neispravni podaci. To su i hard i soft kontrole koje ili zaustavljaju unos, ne dozvoljavaju unos neispravnih podataka, ili samo šalju poruku opomene da su podaci izvan određenih postavljenih granica.

Ovakav način unosa obezbjeđuje da nakon završenog unosa imamo bazu sa računski čistim podacima. Poslije završenog unosa podataka neophodno je podatke porediti sa podacima iz prethodnog mjeseca ili perioda, jer nije moguće sve kontrole izvršiti prilikom unosa podataka.

Ukoliko je neophodno i u ovoj fazi se ponovo kontaktira izvještajna jedinica, da bi se korigovali podaci.

#### S.13.3.3 Pogreška neodgovora

Neodgovor se javlja u slučaju da adresar sadrži netačne podatke o adresama i brojevima telefona izvještajnih jedinica, kada nije moguće ostvariti kontakt, kao i zbog odbijanja dostavljanja izvještaja od strane izvještajne jedinice.

#### S.13.3.3.1 A4. Stopa neodgovora jedinice (P)

Sve izvještajne jedinice iz adresara za 2025. godinu koje nisu dostavljale izvještaje tretirale su se kao neodgovor, bez obzira na razlog neodgovora. Od ukupnog broja izvještajnih jedinica obuhvaćenih adresarom za 2025. godinu stopa neodgovora je iznosila 10,3%.

#### S.13.3.3.2 A5. Stopa neodgovora na određenu varijablu (P)

Ne raspoložuje se informacijama koje omogućavaju izračunavanje stope neodgovora varijable.

#### S.13.3.4 Pogreška obrade

Greške koje se i pored logičkih kontrola mogu javiti tokom procesuiranja podataka otklanjaju se kroz listanje kontrola nakon završenog unosa podataka. Ove kontrole upozoravaju da pojedine vrijednosti odstupaju od zadatih intervala. Ukoliko se ustanovi da greška realno postoji ista se koriguje u saradnji sa izvještajnom jedinicom. Nije nužno da svako odstupanje znači i grešku.

#### S.13.3.5 Pogreška izbora modela

### S.14 Pravodobnost i poštovanje rokova objavljivanja

#### S.14.1. Pravodobnost i TP2

##### Pravodobnost konačnih rezultata (U)

T+45

Prema kalendaru publikovanja podaci se objavljuju 45 dana nakon kraja referentnog perioda.

#### S14.1.1 TP1. Pravodobnost – prvih rezultata (P)

T+45

Prema kalendaru publikovanja podaci se objavljuju 45 dana nakon kraja referentnog perioda.

#### S.14.1.2 TP2. Pravodobnost konačnih rezultata (P)

Prethodni rezultati su i konačni, tako da se ovaj pokazatelj i ne računa.

#### S.14.2. Poštovanje rokova objavljivanja i TP3

##### Poštovanje rokova objavljivanja – dostava i objavljivanje (U)

Nije bilo kašnjenja u objavljivanju rezultata tj. podaci su objavljeni prema Kalendaru objavljivanja statističkih podataka.

#### S.14.2.1 TP3. Poštovanje rokova objavljivanja – dostava i objavljivanje (P)

Nije bilo kašnjenja u objavljivanju rezultata tj. podaci su objavljeni prema Kalendaru objavljivanja statističkih podataka.

### S.15 Usklađenost i uporedivost

#### S.15.1 Uporedivost – geografska



Ne postoji jedinstvena, od strane EUROSTAT-a definisana osnova za proizvodnju podataka o plaćama tako da svaka zemlja ima svoje definicije plaća koje su direktno zasnovane na nacionalnom zakonodavstvu.

#### S.15.1 CC1. Koeficijent asimetričnosti kod oglednih statistika

Nije primjenjivo.

#### S.15.2. Uporedivost – tokom vremena I CC2 Dužina uporedivih vremenskih serija (U)

Istraživanje o plaćama provodi se dugi niz godina. Nakon početka primjene nove klasifikacije djelatnosti KD BiH 2010, urađen je preračun serije podataka od 2005. godine. Tako da se može reći da je serija uporediva od 2005. do 2025. godine, za 21 godinu. Dužina uporedive vremenske serije =  $21 \times 12 = 252$  mjeseca.

##### S.15.2.1 CC2 Dužina uporedivih vremenskih serija (P)

Dužina uporedive vremenske serije =  $21 \times 12 = 252$  mjeseca.

#### S.15.3. Usklađenost među područjima

Nije primjenjivo.

##### S.15.3.1 Usklađenost kratkoročnih I godišnjih statistika

Nije primjenjivo.

##### S.15.3.2 Usklađenost s podacima nacionalnih računa

Nije primjenjivo.

#### S.15.4 Usklađenost – unutrašnja

Nije primjenjivo.

### S.16 Trošak i opterećenje

Troškovi Federalnog zavoda za statistiku za Istraživanje o plaćama zaposlenih RAD-1 sastoje se od troškova printanja upitnika, slanja instrumentarija kantonalnim statističkim službama/uredima, distribucije instrumentarija izvještajnim jedinicama, troškova telefona, faxesa, kao i troškova zaposlenih koji su angažovani na istraživanju Rad-1 (metodolozi, IT).

Nije izvršen poseban obračun troškova po pojedinačnim istraživanjima.

### S.17 Revizija podataka

#### S.17.1. Politika revizije podataka

Na web stranici Federalnog zavoda za statistiku, korisnici statističkih podataka su obaviješteni o eventualnim revizijama (preliminarni podaci, konačni podaci).

#### S.17.2. Praksa revizije podataka i A6 prosječna veličina revizije podataka za U

Na web stranici Federalnog zavoda za statistiku, korisnici statističkih podataka su obaviješteni o eventualnim revizijama (preliminarni podaci, konačni podaci).

Podaci o plaćama su finalni i poslije publikovanja se ne mjenjaju.

##### S.17.2.1 A6. A6 Prosječna veličina revizije podataka (P)

Nije provedena revizija podataka za ovo istraživanje.

## S.18 Statistička obrada

### S.18.1 Izvorni podaci

Izvor podataka za mjesečno istraživanje o plaćama su pravne osobe i njihove registrovane lokalne jedinice iz svih područja djelatnosti KD BiH 2010, koje posluju na teritoriji Federacije BiH i zapošljavaju 10 i više zaposlenih, osim pravnih osoba koje su registrovane u djelatnostima: T - Djelatnosti domaćinstava kao poslodavaca; djelatnosti domaćinstava koja proizvode različita dobra i obavljaju različite usluge za vlastite potrebe i Područja djelatnosti U - Djelatnosti vanteritorijalnih organizacija i organa.

Izveštajne jedinice su istovremeno i jedinice posmatranja. Izveštajne jedinice (pravne osobe) daju podatke pojedinačno za jedinice u svom sastavu. U nekim slučajevima registrovane lokalne jedinice same direktno dostavljaju podatke.

Istraživanje o plaćama obuhvaća isplaćene neto i bruto plaće zaposlenih koji imaju zasnovan radni odnos, bez obzira na vrstu radnog odnosa i dužinu radnog vremena.

U obračun nisu uključene plaće pripadnika odbrane, kao ni plaće zaposlenih u obrtu i srodnim djelatnostima.

### S.18.2 Učestalost prikupljanja podataka

Podaci se prikupljaju putem papirnog obrasca i elektronskog upitnika na mjesečnom nivou..

### S.18.3 Prikupljanje podataka

Podaci se prikupljaju u papirnoj formi (poštom, mailom ili faksom) i u elektronskom obliku.

### S.18.4 Validacija podataka

Validacije uključuje provjeru podataka u cilju identifikovanja grešaka, pogotovu grešaka koje imaju veliki uticaj na rezultat, identifikacija ekstremnih vrijednosti iziskuje dalju istragu da li je u pitanju greška u popunjavanju obrasca provjerava se obuhvatnost u okviru zadatog ranga. Validacija može biti tokom unosa ili poslije unosa podataka. Dobijeni podaci se upoređuju sa onim iz prethodnog mjeseca.

### S.18.5 Kompilacija podataka

Poslije unosa podataka, greške i nelogičnosti se otkrivaju i ispravljaju.

#### S.18.5.1 A7. Stopa imputacije

### S18.6 Usklađivanje

Ne koriste se statistički postupci za podešavanje serija podataka (metode desezoniranja).

#### S.18.6.1 Desezoniranje

Ne vrši se sezonsko prilagođavanje.

## S.19 Komentar